

IV. OPOSICIÓN E CONCURSOS**SERVIZO GALEGO DE SAÚDE**

RESOLUCIÓN do 7 de setembro de 2023, da Dirección Xeral de Recursos Humanos, pola que se procede ao nomeamento como persoal estatutario fixo e á adxudicación de destino definitivo aos/ás aspirantes seleccionados/as no concurso-oposición para o ingreso na categoría de condutor/a, convocado pola Resolución do 18 de xuño de 2021 (Diario Oficial de Galicia número 126, do 5 de xullo).

Mediante a Resolución desta dirección xeral, do 18 de xuño de 2021 (*Diario Oficial de Galicia* núm. 126, do 5 de xullo), convocouse concurso-oposición para o ingreso na categoría de condutor/a.

A base décima da mesma resolución establece que, unha vez adxudicados os destinos, se publicará no *Diario Oficial de Galicia* a resolución pola que se declare finalizado o proceso selectivo, co nomeamento como persoal estatutario fixo do Servizo Galego de Saúde e a asignación de destino daqueles/as aspirantes seleccionados/as que acrediten o cumprimento dos requisitos exixidos.

Ao abeiro da dita resolución, esta dirección xeral, como órgano convocante do proceso,

RESOLVE:

Primeiro. Declarar finalizado o concurso-oposición para o ingreso na categoría de condutor/a convocado pola Resolución da Dirección Xeral de Recursos Humanos do 18 de xuño de 2021 (*Diario Oficial de Galicia* núm. 126, do 5 de xullo).

Segundo. Nomear persoal estatutario fixo do Servizo Galego de Saúde, na categoría de condutor/a, os/as aspirantes seleccionados/as que se inclúen no anexo desta resolución.

Terceiro. Adxudicarlles aos/ás ditos/as aspirantes, con carácter de destino definitivo, a praza correspondente que figura no indicado anexo.

Cuarto. Os/as aspirantes nomeados/as disporán do prazo dun mes, contado desde o día seguinte ao da publicación desta resolución no *Diario Oficial de Galicia*, para incorporarse á praza adxudicada.



De conformidade coa base décima da resolución de convocatoria do proceso, a toma de posesión da praza efectuarase no centro de xestión a que pertenza esta. A falta de incorporación no prazo referido, cando sexa imputable ao/á interesado/a e non responda a causas xustificadas, producirá o decaemento no seu dereito a obter a condición de persoal estatutario fixo como consecuencia do concreto proceso selectivo.

No entanto, en casos de forza maior, e por instancia do/da interesado/a, a Dirección Xeral de Recursos Humanos do Servizo Galego de Saúde poderá prorrogar o prazo de toma de posesión.

Quinto. De conformidade coa disposición adicional segunda do Decreto 70/2017, do 13 de xullo (*Diario Oficial de Galicia* núm. 145, do 1 de agosto), como condición para o perfeccionamento do nomeamento que se expida, os/as aspirantes seleccionados/as deberán realizar con carácter obrigatorio, nun prazo non superior aos seis meses contados desde a data de publicación no *Diario Oficial de Galicia* do correspondente nomeamento como persoal estatutario fixo, as actividades formativas para a obtención do nivel básico de coñecemento en materia de igualdade de xénero e prevención e loita contra a violencia de xénero, previstas no artigo 4 da citada regulación.

Non terán que realizar esta actividade formativa os/as aspirantes seleccionados/as que a realizasen con anterioridade, conste rexistrada en Fides/expedient-e e fose debidamente validada.

Sexto. Contra esta resolución, que pon fin á vía administrativa, poderase interpor recurso potestativo de reposición, ante esta dirección, no prazo dun mes contado desde o día seguinte ao da súa publicación no *Diario Oficial de Galicia*, de conformidade co establecido nos artigos 123 e 124 da Lei 39/2015, do 1 de outubro, do procedemento administrativo común das administracións públicas, ou poderase impugnar directamente, na xurisdición contencioso-administrativa, nos termos da Lei 29/1998, do 13 de xullo.

Santiago de Compostela, 7 de setembro de 2023

Ana María Comesaña Álvarez
Directora xeral de Recursos Humanos



ANEXO
Relación definitiva de adxudicatarios/as e destinos

DNI	Apelidos e nome	Centro directivo	Centro	Concello	Quenda
***4240**	Domínguez Mota, Francisco Javier	A.S. de Vigo	A.S. de Vigo	Vigo	-
***6263**	Ferreiro Santos, Santiago	A.S. da Coruña e Cee	Casa do Mar PAC	Coruña, A	PAC
***7505**	García Iglesias, Fernando	A.S. de Vigo	Vigo PAC	Vigo	PAC
***0706**	Garrido Ogando, Marcos	A.S. de Vigo	A.S. de Vigo	Vigo	-
***1382**	Gómez Botana, Jesús Manuel	A.S. da Coruña e Cee	A.S. da Coruña e Cee	Coruña, A	-
***7342**	López Castro, María Luz	A.S. de Ferrol	A.S. de Ferrol	Ferrol	-
***6682**	Paz Santos, Juan Carlos	A.S. de Vigo	Vigo PAC	Vigo	PAC
***9865**	Rodríguez Martínez, Plácido	A.S. de Pontevedra e O Salnés	A.S. de Pontevedra e O Salnés	Pontevedra	-
***8217**	Rodríguez Vilabril, Pablo	A.S. da Coruña e Cee	A.S. da Coruña e Cee	Coruña, A	-
***9745**	Sánchez Balsa, José Alejandro	A.S. da Coruña e Cee	A.S. da Coruña e Cee	Coruña, A	-
***6175**	Sarabia Bardanca, Alfonso	A.S. de Santiago de Compostela e Barbanza	A.S. de Santiago de Compostela e Barbanza	Santiago de Compostela	-
***4731**	Torres Martínez, José Antonio	Axencia Galega de Sangue, Órganos e Tecidos-Ados	Axencia Galega de Sangue, Órganos e Tecidos-Ados-Ourense	Ourense	-

(*) Ocúltase parcialmente o número de documento nacional de identidade para preservar os datos de carácter persoal, de acordo coa Lei orgánica 3/2018, do 5 de decembro.